

饒平縣志卷之十四

賴川劉并纂修

藝文

傳曰言之無文行而不遠登文於志固將以行遠也是非核而後可以昭法戒利弊晰而後可以示因革正變陳而後可以酌經權不則連篇累牘徒飾鑿悅上無補於吏治下無裨於民生雖奇藻麗與弁鄙同譏非所謂行遠之文也志不濫登期無失辭尚體要之旨云爾志藝文

饒平縣志

卷十四

藝文

新建饒平縣治記

明 江朝宗

饒平縣新建所轄八都屬嶺東潮州府府之屬邑曰海陽距海陽二百餘里有地曰三饒上饒中饒下饒是也瀕海倚山其毗僇悍一或倡之彼此響應昔嘗爲不軌朝廷命將帥師征勦餘習尚存故于軍國之需賦稅之徵梗化自恣愆期弗至成化丁酉都察院右都御史朱英奉命總督兩廣軍務兼理巡撫因昔叅議廣東嘗平嶺東程鄉叛賊稔知三饒地勢民情至是毅然曰民之所以梗化者由僻遠官府政教

弗逮故也百里之外當立縣治矧數百里乎乃因前
巡撫副都御史吳琛疏三饒設縣之狀遂覆實以聞
之名曰饒平總督偕巡按御史瞿俊袁正確商建置
之具檄左叅政劉洪督府縣相度三饒之地惟下饒
廣袤數十里大山環之溪水繞之誠山明水秀之地
定縣治于茲築土城以衛內而捍外焉劉致仕左叅
政丁璐僉事趙宏陳廷玉相繼代之檄同知邵有良
督其事知縣楊昱董其成伐木於山鑿石於崖工獻
其能民効其力廳堂立於中幕廳立於側兩廂以理

饒平縣志

卷十四

藝文

二

案牘儀門以聳觀瞻有麗譙廡舍有庖湍廩庾建廟
學於縣東藩臬分司及府館於縣西至於諸神之祠
宇壇場成致完美總督猶慮土城非保障經久計復
命製磚甃之以固以堅緯然壯麗肇工於戊戌之夏
告成於庚子之冬布政使彭紹袁愷按察使閔珪副
使李榕相率命余爲記余聞饒平居民謂先夕嘗聞
鐘鼓聲豈非地之靈有兆於先歟矧縣學旣立不三
年庚子鄉試寔居首科歌鹿鳴者六人焉因人之盛
而可以驗地之靈矣然則爲人牧者可不盡其所當

務也節其豐約均其勞逸教之樹藝以壓其衣食之
欲導之禮樂以化其慆悍之風恤無所告之困窮理
不能伸之訟獄誠於此行之弗畔焉則民趨乎善不
靈水之赴壑馬之奔櫪者矣縣治之設不亦大有光
耶於乎總督慮患之遠而嘉謨若此其周藩臬承托
之重而圖成若此其密郡佐邑令克相其成是皆經
畧之宜爲安民之務也肆特記之垂永遠云

重修饒平縣治記

陳音

成化初巡撫兩廣副都御史吳公琛具奏請廣東潮

饒平縣志

卷十四

藝文

三

州府海陽縣所轄三饒之地曰上饒中饒下饒地畧
山海間距縣治遠甚民多負固梗化請別立縣置吏
以專蒞其民疏上吳公卒右都御史朱公英繼任巡
撫奉 上命覆覈以爲宜爰擇下饒肇建新縣名曰饒
平其地有天馬屏障諸山龍源鳳嘯諸溪環拱濼紆
寔倍形勝但一時縣治城廓廟學壇壝館舍諸役皆
嚴董亟成或規制未審若縣堂旁高中卑汗濕難處
耆民咸言宜改作以迓來休宏治戊申縣令邱侯天
祐來下車未幾民以爲言侯曰吾膏澤未下遽事興

作非所謂未信而勞者乎迺勸恤民隱慎修德政越
明年己酉政化孚洽歲一大獲民復固請侯重惜民
力堅仍舊貫是冬十一月回祿爲孽堂廡門垣帑藏
之屬悉爲煨燼侯恐惶跼禱風放火熄後堂暨官吏
廨舍幸以無虞自時候日露坐視事引慝省躬以謹
天戒耆老皆進而言曰民心欲改作久矣天視聽自
民時不可緩侯乃與僚佐僉謀計工度費民庶子來
踴躍趨事智者獻籌壯者効力羸者具藁木石瓦甃
採地所有顧惟後堂舊規亦頗乖制乃併撤而一新

之厥址損高益卑咸或于度縣堂移前數仞昂爽宏
深皆視舊有加工師奏巧輪奐鮮華矢棘輦飛觀者
駭目經始于庚戌春正月至孟秋而落成焉鄉進士
周用輩謂是役不可無記乃走价至南都請記于予
予惟事體有可否民心有順逆事近可而順民心則
雖有興作民皆驩虞否則未免爲厲階怨府觀闕宮
之歌頌阿房之怨讟可槩見矣大而天下小而一郡
一邑莫不皆然今觀邱侯之心惟恐事上木以勞乎
民而斯民之心必欲改規制以成其美民欲更新天

分撤舊侯豈有意而爲此哉大學傳曰未有上好仁而下不好義者予於是役驗之夫天下有不善治之吏然後有不可治之民在昔饒平豈果於梗化哉抑亦吏失其職而致然歟使撫字得宜皆如邱侯民將好義輸忱之不暇奚復有他虞耶予于是益深嘆邱侯仁澤之及民矣將來吏斯邑者宜覽予文重有所勸戒而謹於修職也侯字恒吉闕之莆田人起辛丑進士歷知浙之瑞安改今職中有宏抱將大施于世此特其牛刀之小試云

饒平縣志

卷十四

藝文

五

重修饒平縣治碑記

黃宗

饒平縣衙宇建自成化戊戌修于宏治庚戌時久而敝物之恒也先是萬歷之末敗形見矣因循弗葺事若有待越天啟壬戌而念茲鄧侯至仰瞻堂皇不覺太息顧未信爲疑遲回久之越再明年甲子而比且益甚欲遲之一日不可矣侯曰是無可因計惟撤而新之耳堂構何人余將安諉乃條其狀于當道括公帑之堪動者二百餘金不足剛議蔭寮九村之鋪稅益之得報可初議費當五百金有奇比成僅三百有

苟用省而功倍者侯訓度有方勞來盡利日省月試
必躬而竹頭木屑俱存也木取諸市石取諸崖瓦甃
取諸陶埴而償直皆准之闔闔工役觀趨追呼不擾
澤門之歌無聞而百堵之作頓興矣肇工於甲子歲
孟秋之吉迄乙丑春而告竣所建者前堂一東西幕
廳二堂前拱亭一廊房二前堂之後爲穿亭爲中堂
中堂之左右爲耳庫爲架閣庫又東爲銀庫西爲冊
庫前堂之庭爲月臺三方欄櫓皆礱石爲之中堂之
後爲廚漏所地皆仍昔而物力體制盡出鼎剏故不

言修而直以建名于是尊君之陽天馬之陰殿閣鬱
起崇宏深闕鳥革翬飛儼然一邑鉅觀士民慶大厦
之初成樂忻懽之有永不勝其燕賀之私乃過東里
黃子而問記焉夫棟宇取諸大壯梓材稱于周書營
作之不可已久矣矧山海之區百里之內林林總總
所環向而待澤者唯縣令是賴號令設施盡在一堂
所關係有大焉者而任其頽敗弗振猶以舊貫爲詞
可乎顧於此有說焉官本遽廬也然當在服官之時
則不宜乎遽廬視也以遽廬視而官守廢矣公廡本

進旅也然當在托宿之日剗無容以逆旅言也以逆
旅言而職事隳矣傳稱叔孫所居一日必葺去之日
如其始至而陸抗之別柴桑蔡凝之辭中書雖于將
去之際不惜爲人治室古人用心若此若阮籍猖狂
東平毀舍而趙高之割匿且因以爲利焉彼于一室
弗治安望治人豈非賢不肖相去之遠哉侯視邑如
家視民猶于故民事卽其家事下車以來除若害興
若利所爲元元計者不遺餘力卽興作一途如隄防
如橋梁道路如各祠宇如郵亭公館次第畢舉豈曰

饒平縣志

卷十四

藝文

七

五

好事謂民事不可緩耳斯役也正其所急於民者大
乎易之蠱壞而有事者也幹蠱用譽是侯今日之事
有事而後可大故次蠱以臨大亨以正天之道也君
子以教思無窮容保民無疆所以承天之道也皆侯
所素有者後之君子于蠱而思侯締造之功於臨而
得侯愛民之寔居是堂而行是事攸躋攸芋寧但一
身之安厚下安宅務同萬家之慶剗可當視効于侯
者可知已盖堂上之扁曰親民而今日新民惟其親
之是以新之是容保教思合而成治者乎謂是卽侯

之心長存焉可也侯諱全慎字緘三一字念茲西粵
全州人善政尚多當別有紀此特記其建衙一事而
時所共事者縣丞葉君元瑞歙縣人典史劉君期永
浦城人沈君應辰錢唐人皆能善承德意有勞斯役
者例得並書

新建文廟碑

朱廷臣

聖皇建極懋昭文教自京師以逮州邑設黌宮以造
士所以遵往聖開來學以成夫聖代文明之治於戲
休哉惟我饒平治自海陽分設山川竒秀卓然偉觀

饒平縣志

卷十四

藝文

八

枕金山而面筆峯左鳳凰而右天馬尊君望海諸山
又皆拱揖環抱學宮之建與縣治連峙是以邑多善
令庠多英髦山川鍾毓不可誣也願此文廟講堂肇
于成化己亥祇今則六十年餘矣歲久柴壘日就頽
圮教諭王君魯謀于前令今拜侍御翁君五倫乃上
其事于監司監司可其請俾揭陽令薛君炳協焉二
君子民務方殷薦王君有綜理之才專重其役繼而
今令羅君印凱代翁爲治旣視篆謁廟乃向諸生而
嘆曰學校爲地首務况多士濟濟維傾頽弗稱尊崇

以垂悠永誌報也亦誌勸也是片石也雖作南
國銅柱觀無不可者

饒平縣志

卷十四

藝文

九